



16. august 2013

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

- 1 Tele Greenlandip Nunatsinni qarasaasialerinerimik suliffeqarfinnut namminersortunut unammillernerimik annertusaanissaminik kissaateqarnera Naalakkersuisut ilisimaarivaat?**
- 2 Tele Greenlandip – attaveqaasersuutitut kisermaassisussaataasup, qarasaasialerinerimik suliffeqarfiit namminersortut pingaarnertut suliaqarfiini annertunerusumik unammillerniarnera, Naalakkersuisut akuersaarnartutut isigivaa?**
- 3 Tele Greenlandip qarasaasialerinerimik suliaqarfimmi annertusaanera 2007/2008-p tungaanut Tele Greenlandip sullitaanut qanoq akeqarsimava? –**
 - a. Kisermaassisussaataaalluni suliffeqarfissuarmit aningaasat qanoq amerlatigisut IT Partner Greenlandimut nuunneqarpat, Tele Greenlandillu taamaaliornini aningaasanik qanoq amerlatigisunik annaasaqaatigaa.**
- 4 Tele Greenlandip maanna annertusaanermini – qarasaasialerinerimik suliffeqarfinnut namminersortunut unammillerniarnermini, aningaasat qanoq amerlatigisut immikkoortippai.**
- 5 Tele Greenlandip kisermaassisussaataaaffimmini sullitaata Tele Greenlandip (KINGUMUT) qarasaasialerinerimik suliffeqarfinnut namminersortunut unammilleqqinniarnerani (kingumut) akiliisussanngortinneqannginnissaat qanoq ililluni qulakkerniarpaa.**
- 6 Tele Greenlandimi immikkoortortaqarfik TELE Erhverv ullumikkut sinneqartooruteqarfiulluni imaluunniit amigartooruteqarfiulluni ingerlava? Qanorlu annertutigisumik?**

(Inatsisartunut ilaasortaq Palle Christiansen, Demokraatit)

Tunnngavilersuut:

Tusatsiakkat malillugit Tele Greenland A/S Tele Ehvervimik annertusaaleruttorpoq – taamaaliornikkut Nunatsinni qarasaasialerinerimik suliffeqarfinnut pioreersunut (InuIT, Sermit, Comby, Kimik, Nanoq IT allallu) unammillersinnaajumalluni.

Tele Greenlandip suliaqarfimmi tassani IT Partner Greenland A/S-ikkut 2007-p tungaanut iluatsippallaanngitsumik ingerlataqarsimavoq. Tele Greenlandip sullitaanut nalinginnaasunut millionerpassuarnik tamanna naleqarsimavoq.



DEMOKRAATIT
DEMOKRATERNE

Paasinnittaasera malillugu, pisortat suliffeqarfii kisermaassisusaaatitaasut suliffeqarfinnut namminersortunut unammillertussaangillat. Nunatsinni suliffeqarfiit namminersortut amerlanerusut nukittunerusullu pisariaqartippagut, taamaammatt suliffeqarfiit pisortanit pigineqartut taakku qiminniarneqartussaangilaat paarlattuanilli ikorfartorniartussaallugit – suliffeqarfiit namminersortut akitigit pitsaassutsikkullu unammillersinnaassuseqarpata.